

Yawj Lwnh Cuengh Gun Sonhag Daengx Gih Youq Cinzdangz Gih Haiguh

全区壮汉双语教学观摩研讨活动在覃塘区举行

5 nyied 24 daengz 27 hauh, Swcigih Gyauyuzdingh youq Gveigangj Si Cinzdangz Gih haiguh bi 2021 aen hozdung dangciengz yawjhag doxlwnh Cuengh Gun sonhag daengx gih. Daengx gih gungh miz 100 lai boux conghyah, lauxsae son'gyauq Vahcueng Vahgun haenx camgya. Hozdung baudaengz conghyah guh gyangico, ngonzyawj dangzgoq sonhag Sawcuengh, hagdangz langhbaij gij vwnzva minzcuz, doxgyau doxlwnh faenyiengj gingniemh daengj. Hozdung neix doidoengh hwngfat le aen saehnieb minzcuz gyauyuz, hawj gyoengq lauxsae engq rox baenzlawz son'gyauq Sawcuengh Sawgun, raiz ok bien moq bae roengzrengz gaijgwz gij son'gyauq song vah daengx gih.

(Vangz Yinz / 黄云)

► Hagdangz langhbaij gij vwnzva minzcuz.



▲ Aen yienhciengz fat ciengj dienjleix.

Liujcouh:

Eu Fwen Hoengz Hawj Aendangj

柳州: 红色山歌唱给党

5 nyied 28 hauh, Liujcouh "mbouj lumz saekhoengz · eu fwen hawj aendangj nyi" aen dienjleix fat ciengj gwnzmuengx doxdax ingj sibirz dinj youq Liujcouh Si Gvangjbo Densidaiz banh. Mbat neix yaek miz 500 aen sibirz dinj camgya doxdax, ndawde miz 41 aen aeu ndaej it, ngeih, sam daengj ciengj, 15 aen danhvei aeu ndaej cujciz ciengj ndei. Gyoengqvunz dawz lizsij aendangj, fwen caeuq sibirz dinj doxgap hwnjdaeuq, ngeuxyawj bak bi neix gij ginglig hungmbwk aendangj, langhbaij vunzlai Liujcouh dawz rap caez sim comz rengz haiguh "Cibseiq Haj", haiok roen moq bae hwngfat.

(Veiz Sanhij Dwng Swjlinz / 韦善喜 邓紫琳)

Dauq Sawveh Lwngnyez Gangj Gij Cienznaeuz Bouxcuengh Okbanj

壮族神话传说少儿绘本面世

Mboengqneix, dauq sawveh lwngnyez gangj gij cienznaeuz Bouxcuengh saw moq fazbuvei youq Nanzningz banh. Buek saw neix dwg Gvangjsih Meijsuz Cuzbanjse okbanj, de aeu gij gojgaeq cienznaeuz Bouxcuengh guh cawjdaez,

gungh miz 《Buhbwnroeg》 daengj roek cek. Sawveh aeu Vahgun, Yinghyij ma bienraiz, sezgi cix yungzhaeuq le gij raiz, doz minzcuz. Yienhciengz, vunzlai caez gamjsouh le gij gyaundeiz Bouxcuengh.

(ciuq Gvanghmingzvangi)

Luzcai: Dawz Gyaez Ndaem Haeuj Doenghnaz Bae

鹿寨: 把爱种到田野上

Seizhah, gomiuz maj ndaej cingq ndei. Nazhaeux Luzcai Yen Mbanjmaxan "veh" ok fukveh miz cihsaw "ciengx-lwenx riengz aendangj byaij" "angqhoh Cunghgoz Cungcanjdangj laeb ndaej 100 hopbi" caeuq gij doz Denh' anhmwnz, mbaw geiz aendangj daengj. Fuk doz

hung neix ciemq le 100 lai moux naz. Bouxndaemnaz dawz gij gietsim gyaez aendangj, riengz aendangj byaij aeu go-gyaj lai saek ndaem haeuj ndawnaz bae, soengq laex hoh aendangj laeb ndaej 100 hopbi.

(Lai Genveih Veiz Yiz / 赖建辉 韦怡)



▲ Fuk veh bouxndaemnaz ndaem okdaeuj de.